



სსიპ - ლევან სამხარაულის სახელობის სასამართლო ექსპერტიზის
ეროვნული ბიურო

2016 წელი

ქ. თბილისი

ს ა რ ჭ ე ვ ი

ტექნიკური დოკუმენტაცია	3
დანართი №1 ფასების ცხრილი	6
ხელშეკრულების პროექტი	10

ტექნიკური დოკუმენტაცია

- შესყიდვის ობიექტია: მობილურ ტელეფონებზე, სმარტფონებზე, ტაბლეტურ კომპიუტერებზე და ნავიგატორებზე ინფორმაციის აღდგენის სისტემა (CPV კოდი 30200000).
- შესყიდვის სავარაუდო ღირებულება: **83000 (ოთხმოცდასამი ათასი) ლარი დღგ-ს გათვალისწინებით.**
- დაფინანსების წყარო: **2016 წლის საკუთარი სახსრები.**

ტექნიკური სპეციფიკაცია

სისტემის მიერ რეალიზებული უნდა იყოს მობილურ ტელეფონებზე, სმარტფონებზე, ტაბლეტურ კომპიუტერებზე და ნავიგატორებზე არსებული ყველა სახის ინფორმაციის აღდგენა-ამოღების ყველა შესაძლებელი მეთოდი. სისტემა უნდა მოიცავდეს ყველა აუცილებელ აპარატულ-პროგრამულ კომპონენტებს, ხოლო მოპოვებული ინფორმაცია უნდა შეესაბამებოდეს ექსპერტიზისათვის აუცილებელ სანდოობის ნორმებს. სისტემაში უნდა შედიოდეს, როგორც ფიზიკური, ასევე ლოგიკური ანალიზის კომპონენტები, რომელთა საშუალებითაც უნდა ხდებოდეს როგორც არსებული, ასევე წაშლილი მონაცემების კვლევა.

სისტემა თავსებადი უნდა იყოს “Windows” ოპერაციულ სისტემასთან. მომხმარებელს უნდა შეეძლოს ამონაწერის მისთვის სასურველი სახით მიღება. შესაძლებელი უნდა იყოს ამონაწერის ბეჭდვა სრულად ან ნაწილობრივ, მონაცემთა მონიშვნის მიხედვით, ასევე სისტემას უნდა ჰქონდეს მონაცემთა ექსპორტირების საშუალება სხვადასხვა სახით.

სისტემას უნდა გააჩნდეს აპარატურის და პროგრამული უზრუნველყოფის თავდაცვის გასაღებები.

სისტემას უნდა გააჩნდეს პროგრამული მოდულები, რომელიც შეასრულებს შემდეგ ამოცანებს:

1. მოწყობილობებიდან ინფორმაციის ამოღების აპარატურული მოდული;
2. მოწყობილობებიდან ამოღებული ინფორმაციის ანალიზის და ექსპორტირების მოდული;
3. მოწყობილობების ფოტო-ვიდეო ფიქსაციისათვის განკუთვნილი კამერა.

1. მოწყობილობებიდან ინფორმაციის ამომღები აპარატურა

მობილური ტელეფონების, პლანშეტების და GPS მოწყობილობების საექსპერტო კლონირება;

მოწყობილობებიდან ინფორმაციის ლოგიკური ექსტრაქცია;

მოწყობილობებიდან ინფორმაციის ფიზიკური ექსტრაქცია;

მოწყობილობებიდან ინფორმაციის ფაილ-სისტემური ექსტრაქცია;

მოწყობილობებიდან უსაფრთხოების კოდების ექსტრაქცია;

7000-ზე მეტი მოწყობილობის (მობილური ტელეფონი, პლანშეტი და ა. შ.) მხარდაჭერა;

მოწყობილობას უნდა გააჩნდეს სენსორული ეკრანი;

TomTom trip-log დეშიფრაცია და მონაცემების ამოღება პორტატული GPS მოწყობილობებიდან;

სიმბარათების კლონირება.

აპარატურის ტექნიკური სპეციფიკაცია:

ეკრანი: LCD IPS, მინიმუმ 7”, რეზოლუცია მინიმუმ 1024 x 600 WVGA, მინიმუმ 600 cd/m2, მინიმუმ 700 CR დაფარული უნდა იყოს GORILLA® GLASS 3-ით;

ოპერაციული სისტემა: Windows® 10 IoT Enterprise 2015 LTSB for Small Tablets (ESD);

პროცესორი: მინიმუმ 4 ბირთვი, მინიმუმ 1.91 გჰც, მინიმუმ 2MB ქეში;

გრაფიკული ადაპტერი: ინტეგრირებული;

ოპერატიული მეხსიერება: SODIMM DDR3L მინიმუმ 8გბ, სიჩქარე მინიმუმ 1600მჰც;

მეხსიერება: SATA2 M.2 SSD მინიმუმ 128 გბ;

ზომები: მაქსიმუმ 223 მმ x 133 მმ x 61 მმ დამცავის გარეშე;

უსაფრთხოება: Kensington Lock;

სენსორული ეკრანი: მოცულობითი, Multi-touch მინიმუმ 5 წერტილი;

ელემენტი: მოხსნადი, მინიმუმ 4 cells Li-Ion 18650 46 Wh;

ქსელი: Wireless (WiFi: Dual Band with MIMO 2T2R technology IEEE 802.11 a/b/g/n/ac, Bluetooth: Dual Mode 4.0/3.0),

Ethernet (მინიმუმ 1 Gb), GPS;

კვება: შემავალი: 80 – 240VAC, 50 – 60Hz, გამომავალი: 12V, 5A;

ინტერფეისები: მინიმუმ 4 x USB 3.0 პორტი თითოეულზე 1.5A, მინიმუმ 1 x Serial პორტი, ინტეგრირებული სიმბარათის წამკითხველი SIM, Micro SIM, Nano SIM მხარდაჭერით, მეხსიერების ბარათის წამკითხველი SD, SDHC, MMC, SDXC მხარდაჭერით, სტერეო დინამიკები მინიმუმ 0.5W, ინტეგრირებული მიკროფონით, ვიდეო გამოსასვლელი მინიმუმ 1 x Mini Display Port 1.3.

სამუშაო ტემპერატურა: მინიმუმ 5° მაქსიმუმ +40 C, class 3.1;

ტენიანობა: მინიმუმ 5% მაქსიმუმ 85%.

უნდა აკმაყოფილებდეს შემდეგ რეგულაციებს:

CE;

EMC - EN 301 489-1, EN 301 489-17, EN 61000-6-1, EN 61000-6-3, EN 55022;

Safety - IEC/EN 60950-1, CB Scheme;

Radio frequency spectrum usage - ETSI EN 300 3281, ETSI EN 301 893;

FCC - EMC FCC part 15, subpart B;

Radio - FCC part15.247, FCC part15.407.

კომპლექტაციაში უნდა შედიოდეს:

კლონირების მოწყობილობა სენსორული ეკრანით;

კაბელი - მინიმუმ 24 ცალი;

კაბელების ორგანიზატორი;

ადაპტერები - მინიმუმ 69 ცალი;

კვების ადაპტერი;

მეხსიერების ბარათის წამკითხველი - 1 ცალი;

სიმბარათი - 3 ცალი;

მიკრო-სიმბარათი - 3 ცალი;

ნანო-სიმბარათი - 3 ცალი;

მანქანის კვების ადაპტერი - 1 ცალი;

პერსონალურ კომპიუტერთან დამაკავშირებელი კაბელი - 1 ცალი;

ტელეფონების ჩასართავი კაბელი - 1 ცალი;

USB მეხსიერების ბარათი - 1 ცალი;

ტელეფონის კონტაქტების გასასუფთავებელი ფუნჯი - 1 ცალი;

2. პროგრამული უზრუნველყოფა, რომლის საშუალებითაც შესაძლებელია კლონირებული ინფორმაციის ანალიზი, ექსპორტი და რეპორტის გენერაცია

N1 პუნქტში მოცემულ აპარატურასთან თავსებადი;

დემიფრაცია:

უმისამართო მეხსიერების სეგმენტიდან მონაცემების აღდგენა;

JTAG და Chio-off დემიფრაცია;

iCloud რეზერვის დემიფრაცია;

სხვადასხვა აპლიკაციების დემიფრაცია;

Python სკრიპტების გამოყენებით მონაცემების დემიფრაცია;

ფოტო გამოსახულებების აღდგენა;

ანალიზი:

Malware აღმოჩენა;

მოვლენების ქრონოლოგია;

გრძედის და განედის კონვერტაცია მისამართად;

პროექტის ფარგლებში ძებნა;

ფაილების ვიზუალიზაცია;
მიმოწერის ვიზუალიზაცია;
HEX ვიზუალიზაცია;
SQLite მონაცემთა ბაზის ვიზუალიზაცია;

რეპორტიზი:

რეპორტების გენერაცია: PDF, HTML, XML, Excel და Word ფორმატებში;
ელ. ფოსტების EML ფორმატში ექსპორტირება.

3. მოწყობილობების ფოტო-ვიდეო ფიქსაციისათვის განკუთვნილი კამერა

N1 პუნქტში მოცემულ აპარატურასთან თავსებადი;
ფოტოს და ვიდეოს გადაღება იმ მოწყობილობებიდან, რომლებიდანაც ინფორმაციის კლონირება შეუძლებელია.
გადაღებული მასალის გენერირებულ რეპორტში განთავსება.

საგარანტიო და ლიცენზირების პირობები: მხარდაჭერა - არანაკლებ 3 წელი, ლიცენზია - მინიმუმ 3 წელი, რაც გამოიხატება კაბელების უფასო მოწოდებაში, პროგრამული უზრუნველყოფის უფასო განახლებასა და უფასო ტექნიკურ დახმარებაში. დასახელება - მომწოდებლის მიერ მითითებული უნდა იქნას საქონლის სრული დასახელება. მოწოდებული საქონელი უნდა იყოს ვარგისი, არ უნდა გამოავლინოს ხარვეზები, მისი მახასიათებელი სრულ შესაბამისობაში უნდა იყოს ტექნიკურ დავალებაში აღნიშნულ მაჩვენებლებთან, წინააღმდეგ შემთხვევაში უნდა შეიცვალოს ან შეკეთდეს შეტყობინების მიღებიდან არაუმეტეს 30 კალენდარული დღის განმავლობაში.

საქონლის მოწოდება უნდა განხორციელდეს ხელშეკრულების გაფორმებიდან 60 კალენდარული დღის განმავლობაში, მისამართზე: ქ. თბილისი, ჭავჭავაძის გამზ. N84:

**პრეტენდენტის მიერ შესყიდვების ერთიან ელექტრონულ სისტემაში ატვირთული სატენდერო
წინადადება უნდა შეიცავდეს შემდეგ დოკუმენტებსა და ინფორმაციას:**

- სატენდერო წინადადების ფასი;
- ფასების ცხრილი დანართის №1-ის შესაბამისად;
- შემოთავაზებული საქონლის მწარმოებლის ავტორიზაციის ფორმა (MAF), რომელიც გაცემული უნდა იყოს პრეტენდენტის სახელზე (სისტემაში უნდა აიტვირთოს ასევე ნოტარიულად დამოწმებული თარგმანი);
- დღგ-ს გადამხდელად რეგისტრაციის სერთიფიკატის/ცნობის ასლი (უნდა აიტვირთოს სისტემაში);
- პრეტენდენტის დასახელება, იურიდიული და ფაქტიური მისამართი, ტელეფონი/ფაქსი, ელექტრონული ფოსტის მისამართი, საბანკო რეკვიზიტები, ხელმძღვანელის სახელი და გვარი;
- ტექნიკური დოკუმენტაციის წარდგენა შესაძლებელია როგორც ქართულ, ისე უცხოურ ენებზე.
- დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანები ქართულ ენაზე. დოკუმენტაციასთან დაკავშირებული სადავო საკითხების გადაწყვეტისას უცხოურენოვან დოკუმენტსა და მის ქართულ ენაზე შესრულებულ თარგმანს შორის პრიორიტეტის მინიჭების საკითხს წყვეტს შემსყიდველი ორგანიზაცია.
- სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის ადგილზე მიწოდებასთან დაკავშირებული ყველა გადასახადის გათვალისწინებით;
- ანგარიშსწორების ფორმა უნდადო (გადარიცხვა);
- ანგარიშსწორება განხორციელდება მიმწოდებლის საბანკო ანგარიშზე მიმწოდებლის მირ საგადასახადო ანგარიშ-ფაქტურის გამოწერის დღიდან (მისი არსებობის შემთხვევაში) და მიღება-ჩაბარების აქტზე ორმხრივი ხელმოწერიდან არაუგვიანეს 20 (ოცი) საბანკო დღის ვადაში.
- იმ შემთხვევაში, თუ საქონლის მიწოდება ვერ განხორციელდება 2016 წლის 23 დეკემბრის ჩათვლით, მიმწოდებელი ვალდებულია არაუგვიანეს 2016 წლის 26 დეკემბრისა, წარუდგინოს შემსყიდველს ხელშეკრულების მთლიანი ღირებულების ოდენობის წინასწარი ანგარიშსწორების საბანკო გარანტია, რომლის მოქმედების ვადა არანაკლებ ერთი თვით უნდა აღემატებოდეს ხელშეკრულების მოქმედების ვადას. წარმოდგენილი საბანკო გარანტიის საფუძველზე, არაუგვიანეს 2016 წლის 31 დეკემბრისა, შემსყიდველი მოახდენს ანგარიშსწორებას მიმწოდებელთან.
- პრეტენდენტი, რომელიც არ არის დღგ-ს გადამხდელი, სატენდერო წინადადება უნდა წარმოადგინოს დღგ-ს გათვალისწინებით, ხოლო სახელმწიფო შესყიდვების შესაბამის ხელშეკრულების გაფორმებისას, აღნიშნული გადასახადი (18%) დააკლდება მის მიერ დაფიქსირებულ სატენდერო წინადადების საბოლოო ღირებულებას.
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტი ვალდებული იქნება წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტის შესაბამისი დასკვნა, არაუგვიანეს 10 სამუშაო დღისა. იმ შემთხვევაში, თუ დასკვნის გამცემი ორგანო არ იქნება სსიპ - ლევან სამხარაულის სახელობის სასამართლო ექსპერტიზის ეროვნული ბიურო, პრეტენდენტმა დამატებით უნდა წარმოადგინოს ექსპერტიზის განმახორციელებელი ორგანოს/პირის შესაბამისი აკრედიტაციის სერთიფიკატი და აკრედიტაციის სფერო, რომელიც უნდა ფარავდეს მოთხოვნილ მომსახურებას. ამასთან, ფასწარმოქმნის ადეკვატურობის დასაბუთების (ექსპერტიზის დასკვნის) წარმოდგენლობა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ წესის მე-12 მუხლის მე-11- მე-14 პუნქტები;
- შესყიდვებში მონაწილეობის მსურველ პირებს დამატებითი ინფორმაციის მიღება შეუძლიათ სისტემის მოდულის – „კითხვა/პასუხის“ მეშვეობით ან/და სსიპ - ლევან სამხარაულის სახელობის სასამართლო ექსპერტიზის ეროვნული ბიუროს სატენდერო კომისიის აპარატში. მის: ქ. თბილისი, ჭავჭავაძის გამზირი №84, მე-3 სართული, საკონტაქტო პირი: **თინათინ ჩანადირი 577 344 332.**
- თუ პრეტენდენტი მხარე წარმოადგენს არარეზიდენტ პირს:
 - საქართველოს საგადასახადო კანონმდებლობის თანახმად, სახელშეკრულებო თანხის ფარგლებში საქართველოში გადახდის წყაროსთან დასაკავებელი გადასახადების მიმართ, საგადასახადო აგენტს წარმოადგენს შემსყიდველი მხარე.
 - საქონლის განბაჟებას უზრუნველყოფს შემსყიდველი;

- საქონლის მოწოდების ადგილი CIP თბილისი.
- მიმწოდებელი ვადლებულია საბაჟო ტერმინალში განთავსებულ ტვირთზე შემსყიდველს გადასცეს საბაჟო პროცედურებისათვის საჭირო სრულყოფილი დოკუმენტაცია.

საკვალიფიკაციო მოთხოვნები

1. საკვალიფიკაციო მოთხოვნების თანახმად, პრედენდენტმა უნდა წარმოადგინოს შემდეგი დოკუმენტი ან/და ინფორმაცია:

ა) ცნობა საგადასახადო ორგანოდან ბიუჯეტის წინაშე დავალიანების არქონის შესახებ.

შენიშვნა:

- 1) საკვალიფიკაციო მონაცემების დამადასტურებელი დოკუმენტები გაცემულ უნდა იყოს „წინადადებების მიღება დაწყებულია „ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს აღნიშნული ეტაპის დაწყებამდე არა უგვიანეს ოცდაათი დღისა;
- 2) არარეზიდენტმა პირმა უნდა წარმოადგინოს შესაბამისი ქვეყნის უფლებამოსილი ორგანოს მიერ გაცემული საკვალიფიკაციო მონაცემების დამადასტურებელი დოკუმენტები, რომელსაც უნდა დაერთოს საქართველოს კანონდებლობით დადგენილი წესით ქართულ ენაზე შესრულებული თარგმანი.

ხელშეკრულების პროექტი

სახელმწიფო შესყიდვის შესახებ წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულება სახელმწიფო შესყიდვის შესახებ №-----

წინამდებარე ხელშეკრულება დაიდო ----- 2016 წ.

ერთის მხრივ, ს.ს.ი.პ – „ლევან სამხარაულის სახელობის სასამართლო ექსპერტიზის ეროვნული ბიურო“, წარმოდგენილი ეკონომიკური დეპარტამენტის უფროსის გიორგი მუმლაძის სახით (შემდგომში – „შემსყიდველი“) და მეორეს მხრივ, ----- (შემდგომში – „მიმწოდებელი“), „სახელმწიფო შესყიდვების შესახებ“ საქართველოს კანონის და პრეტენდენტის სატენდერო წინადადების საფუძველზე (SPA-----), ელექტრონული ტენდერის ჩატარების შედეგად, ვდებთ წინამდებარე სახელმწიფო შესყიდვის შესახებ ხელშეკრულებას შემდეგზე:

„შემსყიდველმა“ „მიმწოდებლისგან“ მიიღო წინადადება კლასიფიკატორის (CPV) კოდით 30200000 - გათვალისწინებული საქონლის მიწოდებაზე, საერთო თანხით ----- ლარი დღგ-ს გათვალისწინებით (შემდგომში - „ხელშეკრულების ღირებულება“).

წინამდებარე ხელშეკრულება ადასტურებს შემდეგს:

1. მოცემულ ხელშეკრულებაში გამოყენებული ტერმინები ატარებენ იმავე მნიშვნელობებს, რაც მათ აქვთ მინიჭებული ხელშეკრულების საერთო პირობებში.
2. მიმწოდებელი იღებს ვალდებულებას მიაწოდოს შემსყიდველს ზემოაღნიშნული საქონელი ხელშეკრულების პირობების შესაბამისად.
3. შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულების პირობებში ასახულ ვადაში და ფორმით.
4. წინამდებარე ხელშეკრულება ძალაშია მხარეთა ხელმოწერის დღიდან და მოქმედებს მხარეთა მიერ ნაკისრი ვალდებულებების დასრულებამდე, არაუგვიანეს
5. ხელშეკრულებას თან ერთვის დანართი №1 - ფასების ცხრილი, რაც წარმოადგენს ამ ხელშეკრულების განუყოფელ ნაწილს.
6. ხელშეკრულება შედგენილია -- გვერდზე, 3 ეგზემპლარად. ორი ეგზემპლარი გადაეცემა შემსყიდველს, ერთი - მიმწოდებელს და თითოეულ მათგანს თანაბარი იურიდიული ძალა აქვს.

ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა რეკვიზიტები:

„შემსყიდველი“

ს.ს.ი.პ – ლევან სამხარაულის სახელობის
სასამართლო ექსპერტიზის ეროვნული ბიურო
მის: ქ. თბილისი, ჭავჭავაძის გამზ. №84
ტელ: (995 32) 2 25 84 84

მიმღები ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
კოდი: TRESGE22
სახაზინო კოდი: 707767126
ს/კ 204852089

„მიმწოდებელი“

ეკონომიკური დეპარტამენტის უფროსი
გიორგი მუმლაძე

ხელშეკრულების საერთო პირობები

1. ხელშეკრულებაში გამოყენებულ ტერმინთა განმარტებები.

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. **“ხელშეკრულება სახელმწიფო შესყიდვის შესახებ” (შემდგომ - „ხელშეკრულება“)** - ელექტრონული ტენდერის ჩატარების შედეგად დადებული ხელშეკრულება, რომელიც ხელმოწერილია მხარეთა მიერ;
- 1.2. **“ხელშეკრულების ღირებულება”** ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. **“შემსყიდველი ორგანიზაცია” (შემდგომ „შემსყიდველი“)** ნიშნავს ორგანიზაციას (დაწესებულებას), რომელიც ახორციელებს შესყიდვას;
- 1.4. **“მიმწოდებელი”** ნიშნავს პირს, რომელიც ელექტრონულ ტენდერში გამარჯვების საფუძველზე ახორციელებს საქონლის მიწოდებას სახელმწიფო შესყიდვის შესახებ მოცემული ხელშეკრულების ფარგლებში;
- 1.5. **“დღე”, “კვირა”, “თვე”** ნიშნავს კალენდარულ დღეს, კვირას, თვეს.

2. სტანდარტები

- 2.1 ხელშეკრულების ფარგლებში მიწოდებული საქონელი უნდა შეესაბამებოდეს აღიარებულ სტანდარტებს და ნორმებს;
- 2.2 კარტრიჯები უნდა იყოს ახალი, დამზადებული ქარხნული წესით, ორიგინალი, თავსებადი ფასების ცხრილში აღნიშნულ პრინტერებთან და შეესაბამებოდეს საქონლის მწარმოებლის მიერ გაცემულ პარამეტრებს (სიგანე, სიმაღლე, ბეჭდვის ფერი, ბეჭდვის რესურსი და ა.შ.) კარტრიჯები უნდა იყოს ქარხნული შეფუთვით, ამასთან, უნდა გააჩნდეთ ფალსიფიცირებისგან დამცავი ჰოლოგრამა.

3. საპატენტო უფლებები

საქონლის ან მისი ნებისმიერი ნაწილის გამოყენებისას საპატენტო უფლების დარღვევასთან, ასევე სასაქონლო ნიშნის გამოყენებასთან დაკავშირებით წარმოშობილი დავების ან მატერიალური პასუხისმგებლობის მოგვარება ეკისრება მიმწოდებელს.

4. ხელშეკრულების შესრულების კონტროლი

- 4.1 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს ინსპექტირების გზით განახორციელებენ ბიუროს საინფორმაციო ტექნოლოგიების და კომპიუტერული ექსპერტიზის დეპარტამენტის უფლებამოსილი წარმომადგენლები;
- 4.2 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა. წუნდებული საქონლის შეცვლა და კონტროლის (ინსპექტირების) შედეგად დაზიანებული საცდელი ნიმუშების ღირებულების დაფარვა შეტყობინებიდან 10 (ათი) დღის ვადაში;
- 4.3 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების გარანტიისა ან სხვა ვალდებულებებისაგან.

5. საქონლის მიწოდების პირობები და ვადები

- 5.1 საქონლის მიწოდება უნდა განხორციელდეს -----
- 5.2 მიმწოდებელმა უნდა უზრუნველყოს შემსყიდველისათვის ხელშეკრულებით გათვალისწინებული საქონლის მიწოდება შემდეგ მისამართზე: ქ. თბილისი, ჭავჭავაძის გამზ. №84.

6. შეფუთვა

მიმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან ფასების ცხრილში მითითებული დანიშნულების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას.

7. შესყიდვის ობიექტის მიღება-ჩაბარების წესი

- 7.1 შესყიდვის ობიექტი ან მისი ნაწილი მიწოდებულად ჩაითვლება მიმწოდებლის მიერ, მიღება-ჩაბარების აქტზე მხარეთა უფლებამოსილი წარმომადგენლის მიერ ორმხრივი ხელმოწერის შემდეგ. მიწოდებული საქონლის მიღებას შემსყიდველის მხრიდან აწარმოებს ეკონომიკური დეპარტამენტის ლოჯისტიკის სამმართველო;
- 7.2 საქონლის მოწოდების დამადასტურებელი მიღება-ჩაბარების აქტის გასაფორმებლად მიმწოდებელი ვალდებულია წარუდგინოს შემსყიდველს საქართველოს კანონმდებლობით დადგენილი წესით გამოწერილი

სასაქონლო-ზედნადები, რომლის მე-18 გრაფაში დაფიქსირებული თარიღის შესაბამისად ჩაითვლება საქონელი მოწოდებულად და გაფორმდება მიღება-ჩაბარების აქტი.

8.გარანტია

8.1 მიმწოდებელი ვალდებულია მიაწოდოს შემსყიდველს მაღალი ხარისხის საქონელი და იგი უნდა შეესაბამებოდეს დადგენილ სტანდარტებს;

8.2 მიწოდებულ საქონელზე ვრცელდება გარანტია მის სრულ დაცვამდე, ხოლო გამოუყენებელ კარტრიჯებზე მიწოდებიდან -----

8.3 მიმწოდებელი თავისუფლდება 4.2 პუნქტით ნაკისრი ვალდებულებების შესრულებისაგან თუ ხარვეზის წარმოქმნა გამოწვეული იქნება შემსყიდველის მიზეზით;

8.4 ხელშეკრულების მოქმედების ვადის გასვლის მიუხედავად მიმწოდებელი არ თავისუფლდება ხელშეკრულების 8.2 პუნქტში გათვალისწინებული გარანტიის მოქმედების ვადის ფარგლებში ნაკისრი ვალდებულებებისაგან.

9.ანგარიშსწორება

9.1 ანგარიშსწორების ფორმაა უნაღდო (გადარიცხვა);

9.2 ანგარიშსწორება განხორციელდება მიმწოდებლის საბანკო ანგარიშზე, მიმწოდებლის მიერ ანგარიშ-ფაქტურის წარმოდგენიდან და წინამდებარე ხელშეკრულების 4.1 პუნქტით გათვალისწინებული უფლებამოსილი წარმომადგენლების მიერ მოწოდებული საქონლის მოთხოვნილ სტანდარტებთან და ხარისხთან შესაბამისობის დამადასტურებელი ინსპექტირების აქტის გაფორმებიდან არაუგვიანეს 5 (ხუთი) სამუშაო დღის განმავლობაში.

10.ანგარიშსწორების ვალუტა

ანგარიშსწორება მიმწოდებელთან განხორციელდება ეროვნულ ვალუტა - ლარში.

11.ფასები

ერთეულის მიხედვით ხელშეკრულების ღირებულება მოცემულია ხელშეკრულების დანართში №1 – ფასების ცხრილი.

12.ხელშეკრულებაში ცვლილებების შეტანა

12.1 არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

12.2 თუ რაიმე წინასწარ გათვალისწინებული მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია;

12.3 დაუშვებელია ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

12.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა;

12.5 ამ ხელშეკრულების პირობების ნებისმიერი ცვლილება უნდა გაფორმდეს მხარეთა შორის ახალი ხელშეკრულებით წინამდებარე ხელშეკრულებაში ცვლილებების შეტანის გზით, რომელიც ჩაითვლება ხელშეკრულების განუყოფელ ნაწილად.

13.უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით გათვალისწინებული თავისი ვალდებულებები.

14.ხელშეკრულების შესრულების შეფერხება

14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს აღნიშნულ გარემოებებთან დაკავშირებით მიღებული გადაწყვეტილების თაობაზე;

14.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

15. ხელშეკრულების პირობების შეუსრულებლობა

15.1 წინამდებარე ხელშეკრულების 5.1 პუნქტით გათვალისწინებული ვადის დარღვევის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო ხელშეკრულების ღირებულების 0,6%-ის ოდენობით, რომელიც დაიქვითება შემსყიდველის მიერ მიმწოდებლისათვის გადასახდელი თანხიდან;

15.2 გარანტიის მოქმედების პერიოდში, წინამდებარე ხელშეკრულების 4.2 პუნქტით გათვალისწინებული ვადის დარღვევის შემთხვევაში ყოველი დაგვიანებული დღისათვის მიმწოდებელს ეკისრება პირგასამტეხლო ხელშეკრულების ღირებულების 0,6%-ის ოდენობით;

15.2 წინამდებარე ხელშეკრულების 9.2 პუნქტით განსაზღვრული ვადის დარღვევისათვის შემსყიდველს ეკისრება პირგასამტეხლო ყოველი ვადაგადაცილებული დღისათვის 0,6% ოდენობით;

15.3 იმ შემთხვევაში, თუ მე-15 მუხლის 15.1, 15.2 ან 15.3 პუნქტებით განსაზღვრული პირგასამტეხლოს ჯამური თანხა აღემატება ხელშეკრულების ღირებულების 5%-ს, მხარეს უფლება აქვს შეწყვიტოს ხელშეკრულება და მოითხოვოს პირგასამტეხლოს ანაზღაურება.

16. ხელშეკრულების შეწყვეტა მისი პირობების შეუსრულებლობის გამო

16.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულებების შეუსრულებლობის თაობაზე წერილობითი შეტყობინების შემდეგ:

(ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

(ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

16.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან;

16.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) საქართველოს კანონმდებლობით გათვალისწინებულ სხვა შემთხვევებში.

16.4 წინამდებარე ხელშეკრულების 16.3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

17. ფორს-მაჟორი

17.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი;

17.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

17.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

18. სადავო საკითხების გადაწყვეტა

18.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ წინამდებარე ხელშეკრულების ან მასთან დაკავშირებული სხვა კომპონენტის ირგვლივ წარმოქმნილი ყველა უთანხმოება და დავა;

18.8 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის შესაბამისად მიმართოს საქართველოს სასამართლოს.

19.შეტყობინება

19.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეკემის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე;

19.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

20.გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

21.გადასახადები და დაბეგვრა

მიმწოდებელი აგებს პასუხს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.